



SAKSPAPIR

Saksnr	Utval	Type	Dato
09/2022	Bygdeutviklingsutvalet	PS	19.04.2022

Sakshandsamar	Arkiv	ArkivsakID
Tore Henrik Øye		22/157

HANDSAMING AV SØKNAD OM BYGDEUTVIKLINGSMIDLAR TIL MUSIKKFESTIVAL PÅ STANGHELLE SOMMAREN 2022

Vedlegg:

Søknad om bygdeutviklingsmidlar - Arrangere festival på Stanghelle sommaren 2022
Enkelt budsjett festival stanghelle
Søknad bygdeutviklingsutvalet -endringar
Oppdatert enkelt budsjett

Kommunedirektøren sitt framlegg til vedtak:

Bando Foodtuck AS, v/ Torje Midtsæter, får tildelt kr. 75 000,- i bygdeutviklingsmidlar til gjennomføring av musikkfestival, planlagt til Stanghelle kai den 30. juli 2022.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2022.

Løyvinga er eit eingongstilskot, og skal nyttast til å gjere avtalar om teknisk drift av festivalen, jf. saksutgreiing. Tilskotet kan betalast ut på førehand. Det må ettersendast rapport med kostnadsdokumentasjon.

Løyvinga er ikkje knytt til eit fast tidspunkt eller ein fast stad for festivalen, med den må haldast i Vaksdal kommune. Føresetnaden er at naudsynte løyve er på plass.

Løyvinga gjeld ut 2023. Etter dette vert løyvinga trekt attende.

Bygdeutviklingsutvalet - Sak 09/2022

BYG - Behandling:

Utvalet drøfta saka.

Kommunedirektøren sitt framlegg til vedtak vart samrøystes vedteke.

BYG - Tilråding/Vedtak:

Bando Foodtuck AS, v/ Torje Midtsæter, får tildelt kr. 75 000,- i bygdeutviklingsmidlar til gjennomføring av musikkfestival, planlagt til Stanghelle kai den 30. juli 2022.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2022.

Løyvinga er eit eingongstilskot, og skal nyttast til å gjere avtalar om teknisk drift av festivalen, jf. saksutgreiing. Tilskotet kan betalast ut på førehand. Det må ettersendast rapport med kostnadsdokumentasjon.

Løyvinga er ikkje knytt til eit fast tidspunkt eller ein fast stad for festivalen, med den må haldast i Vaksdal kommune. Føresetnaden er at naudsynte løyve er på plass.

Løyvinga gjeld ut 2023. Etter dette vert løyvinga trekt attende.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 500 000,- i tilskotsmidlar til fordeling etter søknad i 2022.

Bando Foodtuck AS, v/ Torje Midtsæter, søker om kr. 75 000,- i bygdeutviklingsmidlar til å halde musikkfestival den 30 juli -22, fortrinnsvis på Stanghelle kai. Festivalen er spesielt meint for publikum i alderen 18 - 28 år.

Tilskotet det vert søkt om, skal nyttast til utgifter med scene, lyd og lys, og det er bede om utbetaling på førehand. Dette for å kunne gjere avtale med leverandør.

Kommunedirektøren vurderer at musikkfestivalen er i tråd med føremålet som bygdeutviklingsutvalet skal fremje, med spesiell vekt på aktivitetar og opplevingar.

Innstillinga er å løyve kr. 75 000,- til tiltaket, i tråd med søknaden, og med høve for førehandsutbetaling.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen, med kr. 500 000,- til fordeling mellom søkjarar i 2022.

I søknad av 07.02.22 søker Bando Foodtruck AS ,org. nr. 928237109, ved Torje Midtsæter, om kr. 75 000,- i bygdeutviklingsmidlar til å arrangere musikkfestival på Stanghelle kai, laurdag 30 juli -22.

Føremålet med tiltaket er å skipe til eit underhaldande, kulturelt arrangement, spesielt retta mot eit ungt publikum (18 – 28 år), etter lang tid utan sosiale og kulturelle møteplassar som følgje av koronapandemi.

Målet til arrangøren er å få avtale med tre artistar/grupper til festivalen, i tillegg til å involvere lokale band.

Søkjjar har teke kontakt med kommunen og Bane Nor om bruk av Stanghelle kai som festivalområde, mellom anna om praktiske og tryggleiksmessige forhold. Avtale om bruk av plassen er ikkje gjort endå, og alternative festivalområde kan bli vurdert.

Søkjjar har sett opp eit førebels kostnadsoverslag:

- Scene, lyd, lys : kr. 146 000,- eks mva.
- Tryggleik : kr. 30 000,- eks mva
- Honorar til artistar (3 stk) : kr. 150 000,- eks mva.
- Leige av hjelp : kr. 30 000,-
- Innkjøp, varelager : kr. 30 000,- eks mva
- Leige av kai, marina – straum : kr. 10 000,- eks. mva

SUM UTGIFTER : kr. 416 000,-

I følge søknaden er målet å finansiere arrangement med bilettinntekter, men det vil vere naudsynt med eksterne tilskot, mellom anna for å dekkje utgifter før bilettsalet startar, spesielt knytt til tekniske forhold.

Eit evt. tilskot frå kommunen skal nyttast til å signere kontrakt om levering av scene, lyd og lys i førekant av arrangementet. Det vert difor bede om utbetaling av tilskot på førehand.

Arrangøren vil nytte kr. 50 000,- av egne midlar. I tillegg vert det lagt ned mange timar til planlegging.

Målet til søkjjar er å skape noko positivt for “stanghellebygda” og heile Vaksdal, gjennom mange deltakarar, også tilreisande, og god reklame for kommunen.

Formelt grunnlag:

- Kommunelova - generelle sakshandsamingsreglar.
- Retningslinjer for tildeling av midlar frå Bygdeutviklingsutvalet, vedtekne 26.05.20:

<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden om tilskot til planlagt musikkfestival laurdag 30 juli -22, er i samsvar med bygdeutviklingsmidlane sine retningslinjer om krav til innhald, og kven som kan søkje om midlar (mellom anna lag/organisasjonar).

I følge retningslinjene skal bygdeutviklingsmidlane vere til ålmenn nytte, og stimulere til levande bygdeliv, mellom anna i form av ulike kurs, møteplassar og samlingar. Midlane skal kome mange til gode, skape trivnad og medverke til aktivitet som er tilgjengeleg for “alle.

Kommunedirektøren vurderer at musikkfestivalen som vert planlagt, er i tråd med bygdeutviklingsmidlane sitt føremål. Arrangementet vil skape oppleving og kulturell formidling i kommunen, og

utgjere eit spanande underhaldningstilbod, både for lokale og tilreisande deltakarar. Det vert òg vektlagt at arrangementet er nytt i sitt slag, etter kva kommunedirektøren erfarer. I dette høvet vert tilskot som legg til rette for - og stimulerer til - nyetableringar, sett på som nyttig bruk av midlane.

Det går fram av søknaden at stad for arrangementet, med innhenting av naudsynte løyve, ikkje er endeleg avklart. Heller ikkje programmet for festivalen. Dette vert ikkje vurdert som avgjerande for løyving av eit tilskot. Det vil ikkje vere naturleg å setje vilkår om tid eller stad for festivalen, berre den vert arrangert innanfor kommunen. Føresetnaden er likevel at naudsynte løyve kjem på plass.